

四庫全書

子部

欽定四庫全書

子部  
通雅卷三十九

詳校官中書

臣朱文翰

員外郎

臣牛稔文履勘

總校官降調編修

臣

倉聖脉

校對官中書

臣

高中

騰錄監生

臣

閻崇禮

欽定四庫全書

通雅卷三十九

明方以智撰

飲食

曰酎曰醢醢也醢以酒重投之也

字林曰醢

音豆

重醢

也誤矣廣韻曰醢重釀酒也宋朱翼仲酒經言齊民要術桑落酒有六七投故知五醢五投也梁元帝樂府宜城投酒今行熟停鞍駐馬暫棲宿是張華九醢酒所謂多投漢之酎酒三重酒也酎酒一曰九醢張華取其名

耳馬永卿之七舅何乃以五酸當五木解樂天杭州之詩致永卿亦疑蘇秀道中之五木邪輦下歲時記寒食鈔火後鑽火賜宰臣以下醑醪酒白帖賜李絳醑醪即重釀酒也荼蘼花以酒得名而人反謂酒以花得名

上尊玄鬯也 漢書賜丞相養季上尊注糯米酒一斗

為上尊稷為中粟為下師古非之是也自有醇醴豈分米邪劉弘都督荊州舊有齋中酒聽事酒役酒三品弘禁之齋中上尊也抱朴子云玄鬯醇酒也周禮三酒注

事酒酌有事者之酒其酒則今之醪酒也昔酒今之茵  
久白酒所謂舊醪者也清酒今中山之釀接夏而成內  
則酒清白儀禮之醕白酒也

濁醪今浮滓酒也恬酒即甜酒酇白若縹清白醴酒也  
下酒謂曹床酒也造清陳釀也酒正五齊泛者如今  
宜城醪也醴猶體也成而汁滓相將如今恬酒也盎猶  
翁也如今酇白矣緹者成而紅赤如今下酒矣疏曰曹  
植酒賦曰宜成醴醪蒼梧縹清若馬融所云今之宜城

會稽稻米清似宜城以為酒名恬酒於五齊中為恬酃  
白蕭何所封地名酃下酒謂曹床下酒其色紅赤故以  
緹名之漢時造清熟則滓沈故以汎沈齊也按酃白釋  
文所謂白醴酒也酃有酃字音嶮故借之謂酃地出酒  
非也古酉時為耶而酉即酒字茵即糟字曹床糟床也  
恬即甜字辨才設釭面酒即今之甕頭蟻浮甘酒也說  
文酃芳萬切酒疾熟也孫愐作釐一宿酒也酃即繫切  
酃也今作瀝

漂玉漂醪漂言其清也

枚乘賦尊盈漂玉爵獻金漿

梁人著蔗酒也不釋漂玉漂玉見西京雜記元魏大武  
賜崔浩漂醪酒清曰漂

千日酒玄石中山也

張茂先載文玄石從中山酒家

飲歸塋而酒家來發之適醒又有趙英事同南史劉杳  
所言程鄉千里酒實華引為千日誤矣弇州曰醉十日  
而始醒者枸樓國仙漿酒也

酒或呼青州從事或呼顧建康 野客叢談曰徐彭季

引湘江野錄謂青州從事善造酒考世說則桓公主簿別酒謂好酒曰青州從事惡者曰平原督郵蓋青為齊郡而平原有鬲縣好酒下膾而惡者在膈也南史顧憲之令建康甚清都下飲酒者醇輒號為顧建康

索郎桑落之反語也又轉為桑郎水經注載劉墮者善釀王公庶友牽拂相招者每云索郎有顧思同旅語索郎反語為桑落也智按桑字切索郎耳相傳河中桑落坊井所釀魏饋黃憲桑落酒庾開府詩蒲城桑落酒



碧湖雜錄言桑陰時製麴鄒陽酒賦關中白薄向說即指劉白墮居其下人酤其酒千里送人名曰鶴觴其曰崑崙觴則魏賈鏘蒼頭接黃河水以釀者也吳曾曰舊京呼桑落為索郎周繇看牡丹贈段成式云寄語集山呼索郎黎美周詩剩有荔枝供木客新開椰子勝桑郎今陽信縣有桑落鎮造桑落酒

蘭陵酒即曲阿酒非金華也李東壁曰東陽酒即金華酒古蘭陵也太白所謂即此非矣舊傳曲阿美酒今

之丹徒武進也又名蘭陵圖經言高麗山原因女神覆酒沈入曲阿誕矣曲阿後湖水及高驪覆船山馬陵溪水味甘釀酒醇烈其稱蘭陵酒即曲阿也或以嶧縣名蘭陵李白在山東咏之此說亦非大約詩人隨興不必苦註也疑耀曰蘭溪河清酒自宋元已有名第其時已有甘滯不悅之訾見范成大驂鸞錄

酈涿因作醪綠醪醪廣韻訓醪為涿酒則以涿為清酒矣按衡陽縣有酈湖今之酈縣也土人取以釀晉武

平吳薦醺酒于大廟荊州記云淶水出豫章康樂縣其  
間烏程縣有井官取水為酒與湘東鄴酒季常獻之吳  
都賦飛瓊觴而酌鄴醪雜俎有綠醺法集韻作醺淶水  
經注言郴縣有綠水注於耒謂之程鄉置官醺獻同鄴  
也此說近是或曰鄴湖水綠故名鄴綠加酉為醪醺耳  
若烏程在西浙湖州秦時有程林烏金二家善釀南岸  
曰上箬北岸曰下箬故名箬下酒豈與豫章之水相近  
邪今廣東又有程鄉縣今一統志兩載之郴州興寧縣

志有程鄉水醴醪泉則竝稱醴醪

阿刺吉酒燒酒也

飲膳正要燒酒之法自元始有無

功引暹羅國以燒酒復燒入異香二三季人飲三杯即

醉此法即碧琳腴今日密林檎宋竇革酒譜有櫛酒燒

春升菴特賞燒春之名余謂是燒酒耳櫛酒見沈約詩

又皮日休詩云櫛酒三瓶寄夜航五色線引廣韻櫛式

徑反木名山海經木甘為酒式徑反則與梧近升菴以

梧音瓶鄭氏以櫛音汁孟竒引樂天曰荔枝新熟雞冠

色燒酒初開琥珀香今廬州有鏡面燒廣州尚荔枝燒  
蘆酒咂嘛酒也 謂置蘆植管于中而羣飲也今陝西  
家家以此款客洞蠻名此為釣藤酒杜詩黃羊飲不羶  
蘆酒還多醉何子元曰謂之瑣力嘛酒

百末當是百味 漢景星歌曰百末旨酒布蘭生師古  
曰百艸華之末龍城錄曰太宗賜魏徵詩醺醑稱蘭生  
翠濤過玉薤玉薤隋煬帝酒名醺醑翠濤皆魏左相酒  
名蘭生乃漢武之百味旨酒也駱賓王用百味將愛百

末新邪漢時酒名如拾遺記之洪梁大招注之楚瀝厄  
言未載若西涼蒲萄蒼梧竹葉秦時之二箬與曲阿宜  
城郾筒西市睦郎官清等多以地名洞冥之瑤琨酒安  
期之玄碧酒王母飲帝以金液壽光之酒穆王薦琬琰  
之膏以為酒則造名耳汶人竇革酒譜

說郛刺為竇革  
或作平按字子

野則  
是革

稱唐名酒有瓊花露薔薇露玉窟春石煉春燒春

金陵春洞庭春蓬萊春錦波春又如裴晉公魚兒酒武  
宗起望仙臺薦無憂酒宋名酒有向恭伯玉井秋香薊

林秋露段子新嬌黃范才元萼綠香易毅夫窰中雲胡  
長文銀光范至能雲露楊萬里桂子香冷冽香無功載  
周弁翁秋玉永叔冰壺春東坡稱雪釀陸友仁稱瀑釀  
今稱南茶北酒京師薏內易滄涑水皆醇妙刀酒則太  
甘羊膏醞醕則濃青州從事桑落猶存古名紹興豆酒  
青金華麻姑紅高郵酒苦蘇州蔣家三白蕪陰水楊  
充之而蘇人但飲老酒江北楚中皆有數十季臘酒但  
以地名不必讓此

麴麴酒母 麴魚列切周禮媒氏注今齊人名麴麴曰  
媒漢書注孟康曰媒酒教小顏亦引齊人以麴餅為媒  
書曰爾惟麴蘖蘖即麴也李陵傳媒蘖其短字本作酶  
正謂釀成禍隙也釋名麴朽也今北方呼酒麴為丘上  
聲說文麴昨哉切鑿空谷切麴戶八切俱訓餅蘖也蘖  
牙米也蘖即麴俗作麴金文宗天歷元年額外課十八  
曰醇泰和四年定糟醇錢醇即孟康之教糟鄭司農作  
酋齊民要術曰女麴小麴也今人以朽塊為大麴麴丸



為小麴釋名一作朽轉注略收麴丘上聲鬱鬱使衣生  
朽敗也則以朽為朽字細論丘上聲即曲音之轉猶鞠  
之為毬丘之與區也米友石家以麴造麴不用馬蓼等  
藥釀酒極醇

積穊止酒之程也 積奇之切穊已俱切說文稽穊止  
也一曰木名通釋云積穊者詘曲不伸之意字書曰曲  
枝果也枳棋枝上作房似珊瑚核在其端曰木蜜其木  
近酒能薄酒味蓋象枳棋之詘曲為酒經程寓止酒之

義殷俎亦似棋故急就曰稽檠程檠乃斂之訛耳韓詩  
所傳齊桓置酒令大夫後者飲一經程管仲後當飲一  
經程飲其半而棄其半趙德麟曰陶器有酒經晉安郡  
人嚮酒云一經二經至五乃五餅也修酌注齊人命浩  
酒曰滌如今號酒也

厭飫通作饜飫周之飫歌謂立飲也 國語衛彪傒曰

武王克殷作厭飫名之曰支曰天之所支不可壞

音回

也

其所壞亦不可支也夫禮之立成者為飫少曲與焉韋

昭曰立行禮不坐也立曰飫坐曰宴今人因取解之儀  
號曰立飲說文引詩作飲酒之饌或作飮秋通作淤後  
漢書廣成頌曰淤賜犒功注與飫同書序虞書有藁飫  
篇說文飫一作餼厭餼也通作饜饌

大飲為上頓 宋明帝文章志曰王忱嗜酒醉經日自  
號上頓世諺以大飲為上頓起自忱也又置食之所曰  
頓見鄉語條隋置驛宮州頓徐度卻掃編曰宋行大禮  
猶準唐故事置五使有橋道頓遞使則京尹為之惟頓

遞司例造酒分餉

步爵猶行酒也 大傳曰機者醺者有折俎不坐未步爵不嘗羞注步行也無算爵之禮行爵之後乃得嘗羞儀禮曰騰羞乃入又之庶羞也機音暨沐而飲酒也儀禮崇酒充酒也智按機字同噦史大人賦噦瓊華注噦小食也即吃之平

茶飲之妙古不如今 元美曰建州之北苑先春龍焙洪州之西山白露鶴嶺穆州之鳩阮東川之獸目綿州

之松嶺福州之柏巖雅州之露芽南康之雲居婺州之  
舉岩碧乳宣城之陽坡橫紋饒池之僊芝福合祿合蓮  
合慶合蜀州之雀舌烏嘴片甲蟬翼潭州之獨行靈草  
彭州之僊崖石蒼臨江之玉津袁州之金片綠英龍安  
之騎火涪州之賓化建安之青鳳髓岳州之黃翎毛建  
安之石巖白岳陽之金膏冷此唐宋時產茶地及名也  
曰唐茶不重建以建未有奇產也至南唐初造研膏繼  
造蠟面又佳者號京挺宋初置龍鳳模號石乳又有的

乳白乳而蠟面始下矣丁晉公進龍鳳團至蔡君謨又  
進小龍團神宗時復製密雲龍即東坡供佳客者哲宗  
改為瑞雲翔龍則益精而小龍團下矣徽宗品茶以白  
茶第一又制三色細芽而瑞雲翔龍下矣宣和庚子漕  
臣鄭可開始創為銀絲冰芽蓋將已檢熟芽再剔去祇  
取其心一縷用清泉漬之光瑩如銀絲方寸新勝小龍  
蜿蜒其上號龍團勝雪去龍腦諸香詳趙長白茶史宋  
黃儒茶品要錄曰精者曰鬪曰亞鬪西溪叢話曰建茶

嫩者曰烏帶曰白合有十綱以前後分之郭相奎引學  
林新編曰茶佳者造於社前其次火前謂寒食前其下  
則雨前穀雨前也齊已詩曰高人愛惜藏巖裡白甌封  
題寄火前已亦未知社前佳也今人製茶精不在嫩故  
不貴社前火前耳元美又言虎丘天池高于岬而六安  
龍井下矣宜興老廬後之岬片豈非第一乎六安貢尖  
多致者不一二掬更能養人而又香白若松蘿則動火  
矣蜀之蒙頂建之的乳已不必問又況竊山東之石苔

而元美無功猶信以為茶邪

不托餅也薄夜薄餅也起溲今之蒸酥也 方言餅謂

之飪齊民要術青麴麥麵堪作飯及餅飪五代史李茂

真傳朕與宮人一日食粥一日食不托不托當時語也

後加飪飪又作餠飪王闢之澠水燕談曰筵饌以飪飪

在水飯前近蒲左丞相坐先食之曰世謂飪飪為頭食

范堯夫謫居永州以書寄人曰此中羊麵無異北方每

日餐餠飪不知身之在遠東嘗言春饅頭夏薄托秋起



洩冬湯飪起洩即今發酵入油糖之酥也湯飪以湯沃之襍俎作薄衍陰復春又作薄持歸田錄作薄持疑即今煎夾子陳無功所載一作薄扞荀氏四時列饌傳夏祀以薄夜代饅頭夾子者殆今之合餅乎六朝又呼餅為餅南史郭原平感文帝文帝崩月食麥餅一枚齊衡陽王鈞生母病不肯食五色餅林洪引崔元亮方作地黃飪飪則不飪之訛也

冰糖糖霜之凝者繭糖窠絲糖也 見齊民要術煎甘

蔗成糖霜凝為冰糖窠絲糖今內府有之後漢顯宗紀  
有猓糖獅子乳糖也乳糖今曰吹糖王灼有糖霜譜遂  
寧有糖冰

牢九乃牢丸也 段成式食品有籠上牢丸湯中牢丸  
元美曰即子瞻誤以為牢九者也東坡惠州詩豈惟牢  
九薦古味要使真然晉已誤用之東晉賦終歲飽食惟  
牢九乎注牢九饅頭類永叔歸田錄亦疑之今陰氏韻  
書收此事入九字下皆相沿未考智按所謂籠上牢丸

乃饅頭扁食之類湯中牢丸乃今元宵湯丸或水餃餌之類說文鬻粉餅也即餌後謂之粉角北人讀角如矯遂作餃餌

糒糒膏環安乾餌饌饌環餅粃粃麤麤饊饊皆寒具糒子也 桓譚新論曰孔子匹夫莫不祭之下及酒脯寒具致敬而去楚辭糒糒注吳謂之膏環亦曰寒具通俗文曰寒具謂之餠一曰安乾盧湛祭法曰四時祠皆用安乾糒糒之倫干寶周禮注祭用麤麤音連晉呼為

環餅晉時客食寒具汚桓玄衣玄自是不設饅餠劉禹

錫佳話以寒具為捻頭通鑑有茗糲一省曰糲

色則反糲

也南史虞棕作扁米糲即今饊子一曰寒具一曰粬粬

一曰饊饊升菴以饊饊為波波磨磨粬粬則紐形者饊

饊有餉者饊饊則粉和餉者古所謂糝餌也此皆可充

乾物若京飣糯糲則必濡濕而熟食者南粵志閩中十

月一日作糯糲或京飣以祀祖告冬楚是日亦裹京飣

充節物歲時記是日黍臠荆楚十月一日食焦糲或作

蔗糖糯糍今擣糍成餅者也京鈍今之渾鈍亦曰餃餌  
時珍以捻頭環餅寒具糗粿為一物寒具一曰巨勝奴  
郎瑛注繁祈雨引祭之以露毋飽注云禮有飽食乃飴  
米食也黃朝瑛曰資暇集云蕃中畢氏羅氏好食此味  
因謂之畢羅後人加食為餌饌又元和中姦僧鑒虛  
以羊之六府特造一味時號之曰鑒虛又加食為饍饌  
然則糊餅謂之糊可知矣玉篇餬音胡餅也諧聲別畫耳  
柯古曰格糗粿粿也饌饌臍饌飢餌也賓退錄以糗

專為神供見山海經糲即餲字禮記養即糲

糊皴餅上之紋也糊餅蒸餅也老學菴筆記楊朴詩  
數個糊皴徹骨乾一壺村醪膠牙酸南楚新聞亦云一  
櫟羶根數十皴盤中猶自有紅麟紅麟當作紅綾蓋唐  
進士有紅綾餅餠市中餅或作豚耳狗舌之形見東哲  
賦所謂安乾也顧逖園載南唐烈祖受禪有鷺鷥餅馳  
蹄餠瓏璫餠子母餠餠即餠頭餠非毛詩之餠蓋與餠  
通歐公所笑酸餠為餠餠者燕翼貽謀錄言仁宗誕日

賜包子即饅頭

遊水委綖即水引也今之切麵也 弘君舉食檄云催

厨人作茶餅剛輒中適然後引水傅玄七謨曰蕤賓之時麵忽遊水而清引進飛羽之薄衍即東晉所云弱似春綿皆謂今之切麵也六朝人常言水引餅齊書太祖好水引餅何戢令婦自執事設上即水麵也程大昌載毛植之為蝴蝶麵今山陝有此語

餠飩本渾沌之轉鶻突亦混沌之轉 程大昌言餠飩

出于渾氏屯氏智按乃混沌之轉食物志言蘇家餛飩  
可以淪茗鼠璞戴埴何疑其食邊邪煮切麵過冷水重  
作湯下之言其清也近時又名鶻突釋裨曰鶻者渾之  
入突者暎之入夢華錄有餽蝕菜指南引名物考有骨  
董羹燒樹根為楮拙升菴作醬濁凡渾沌餛飩糊塗鶻  
突楮拙皆聲轉

蜀有竹蜜石崖有白蜜高昌國有刺蜜 梁四公子紀

高昌國貢蜜炆

音昌按是沈約所造

公曰刺蜜是鹽城所產非南



平城者竹蜜于竹上結窠者今火州產羊刺刺上生蜜揚州人避楊行蜜名故呼蜜為蜂糖劉夢得以蜜名甘少府郭璞注方言黑蜂穿竹木作孔亦有蜜者或呼笛師蜜藏器曰方言竹蜂留師誤也本艸遂列留師蜜

看食釘坐也角子小粽也錮子粘果油焦物臚餅鮓饅也老學菴筆記曰淳熙間集英殿宴金國人使九盞第一肉鹹豉第二爆肉雙下角子第三蓮花油餅骨頭第四白肉糊餅第五羣僊炙大平畢羅第六假圓魚第

七柰花索粉第八假沙魚第九水飴鹹豉旋鮓瓜薑看  
食棗餠子臚餅白胡餅環餅智按蜀人以蒸餅為餠

音堆

雲溪友議曰李日新題仙娥驛詩曰商山食店大悠悠  
陳黯餠饌古餠頭更有鬲中牛肉炙尚盤數鸞紫光毬  
餠頭即捻頭也看食今人列園卓上者古稱釘坐謂釘  
而不食者唐劉遠人目為釘坐黎宋祁益部方物圖云  
海紅豆蜀人用為果釘嵇含曰人面子仁南海用為釘  
餠

牙盤看食盤也看卓一名香藥卓 唐少府監御饌器  
用九釘食以牙盤九枚裝食亦謂之看食演繁露曰據  
此即是以牙飾盤矣此說拘甚或曰牙盤謂其色白也  
一曰看食釘坐如今粘果高卓牙列在前謂之牙盤隋  
唐皆以牙盤進食高似孫言奉祀攢陵得牙盤食有薄  
餌甘脆食經言五色小餅盛盒累積曰鬪釘今曰春盛  
是也因作餌釘鼠璞曰香藥卓乃看卓也坡公與章質  
夫帖云公會用香藥卓皆珍物為番商坐賈之苦今公

宴以香藥別卓為盛禮私家亦用之

寬焦今之薄脆 真珠船曰今三原市賣餅有曰側厚

按東京夢華錄糊餅店賣寬焦側厚乃知其稱有自即  
武林舊事所謂寬薄脆者今但名薄脆高似孫以安乾  
即薄脆一名甘脆范注祠制曰孟夏祭有甘脆

麴麴麴麴麴皆麥屑也 皇甫謐曰沉臣糠麴糅之

雕胡麴音鏤麥之麴殼也安慶緒淘牆麴麴麥殼破碎

者也要術云麴音果者麴音涓也唐將作寺丞以課麴麴遲

晚類篇曰麥莖也唐韻作稍麴麴音滴麥覈屑也見說

文漢書食糠麴

音統

注今京師謂粗屑為麴頭陳平傳食

糠覈杜詩黎民糠麴窄韓詩士不厭糠粒粒覈即麴也

亦作粒通作紕

甘麴煮麥為甘粥也小顏曰麴之言齧也齧爛也一

曰麴者糗也糗亦作麴今人通以麴音炒米麥為之麴甘

麴

丘舉

以蜜和糗味甘也孫愐曰麴麥粥汁也麴亦作麴

荀子曰夏日則與之瓜麴

饔飧言其膏饔也

周禮玉人注瓚讀為饔飧

作旦反

之

饔疏云醢人有饔食漢時有膏饔按饔即饔字粥也釋名曰粥粥然也一曰糜周謂之饔宋謂之糊說文以糊為奇食而以鬻為饔粥之糊說文又有饔以羹澆食也以作旦之音則饔當是饔今人以食物濡湯汁或醬醋曰饔周禮四飲注漿今之載漿也酏今之粥疏載

昨再切

言載米汁漢時名為載漿內則有黍酏酏飲粥之清也

涼州異物志高昌以粥為羅閣

古人多麥飯故說文著其方言曰飣曰饔曰饔饔曰饔

皆相謁食麥之名也

說文飣

奴廉切

饔

非尾切

饔

在各切

饔

馬困切

饔

五困切

不知于食麥飯一事而各記其方言何詳

也蓋古多北人北人食米飯者少耳今山陝之民有終身不識大米飯者飯作餅節

熬煮之麥曰逢

朝事之遽其實麴糵注熬麥也河間

以北煮種麥賣之名曰逢賈公彥引漢法證麴是熬煮

之麥

飧飯盛饌也

國語飧

音肱

飯不及壺餐又作觥飯觥本

作觥周禮閭胥比觥是也其狀觥觥然今猶得古玉觥者蓋觥類是也觥飯蓋行觴而後飯也今吳下猶然中原韻讀觥如公

青飧飯烏飯也

今釋家四月八作或以烏柏或以楓

一曰青精飯綱目作飧飯乃飧訛也智謂因青精而造

耳吳曾曰神仙王褒傳太極真人以太極青精飯方授之褒鍊服五季色如少女杜詩惜無青精飯使我顏色



好是也青精用南天燭葉染之所謂烏飯樹也林洪以  
南燭即旱蓮草誤矣沈括云今人家所種之天竹有紅  
子者智按不然登真隱訣認飯方始創餽字

雲子飯言其白也 漢武內傳煉丹以赤者為風實白

者為雲子杜詩飯抄雲子白宋許顗彥周詩話曰雲子  
雨也言如雨點耳出荀子雲篇智按荀子賦篇託地而  
遊宇友風而子雨可以飯飮解雲子乎葛洪丹經用雲  
子碎雲母也今蜀中有碎礫狀如米粒圓白雲子石也

可證稱雲子者方言耳杜偶用之

紅白相雜曰桃花米 崔祖思稱宋武帝節儉有五蓋  
盤桃花米飯問奇廣曰紅白雜也智按是遲芒稻其米  
赤號桃花米或曰赤米早稻名鬼見愁

後飯者先服藥也 岐伯曰病名酒風治之以澤瀉朮  
各三五分麋銜五分合以三指撮為後飯注曰先服藥  
而從容飯也

溫淘漻漻麵也 漻麵說文从冫也或作漻即古所謂

滌也今南京皆以溫麵為溫淘東坡志林曰南都撥心麵作槐芽溫淘糝是也

輕高麵發酵起麵也 蕭子顯齊書曰永明九年正月

詔大廟四時祭薦宣皇帝起麵餅注曰今發酵也智按韋巨源食單有婆羅門輕高麵正籠蒸饅頭發酵浮起者也賈公彥解酏食為起膠餅即此遼元志有酵課按齊民要術奇字有酵餠餹餹糧糧糗粃粃粃元美亦抄之并云無音其別條乃云餠餹起麵也陳懋仁曰海篇作

倍偷餅也元美書多令客纂集得毋誤見上文之酵起麵也而遂以下文之餠餉合之乎以義論之賈氏嘗以酵軀為泡起而轉其字為餠餉蓋亦發酵之類是也

裹精菜餠蒸也 醢人醢食糝食賈公彥曰以酒醢為

餅若今起膠餅鄭司農曰糝食菜餠蒸䟽曰若今之煮菜謂之蒸菜涪翁雜說曰起膠餅今之炊餅蒸菜蓋今裹鯖智按新安與江左皆作蒸菜起膠即起麵膠即酵也裹鯖蓋麵煎鱸也唐元澹謂狄仁傑曰脯脂腴腴參

朮芝桂腸胰謂以菜炒肉襍腸胰之類也胰一作鮭注  
東人謂之鮭菜京山以鮭菜即蝦菜

肺膾肉熬菜也

盧湛祭注曰四時祭皆用肺膾

音切

熱肉于血中和也釋名肺膾贊也全米糝之如膏饈也  
即今蒸菜

和菜謂之冒 七發肥狗之和冒以山膚注即七啟玄

熊青膚之膚隋志山膚水豢襍俎載伊尹干湯言具三  
羣之蟲又云五味三材九沸九變三鸞七俎具酸楚醑

楚苗挫槽山膚大苦或曰山膚石耳之類爾雅藟大苦或曰茶也

鬱養彊孰冬生茹也 貢禹傳言蘊火所生鬱養彊熟諸菜安帝永初六年詔凡供薦新味鬱養彊孰多非其節史照改彊上聲為去蜀音也今北京元旦獻牡丹花一切瓜豆皆孰正地炕蓄火逼成冬生之菜

芥荃芥脆也 說文藟一曰短黑讀若以芥為藟名曰芥荃初刮切按荃訓芥脆也即今之芥辣脆俗作脆



同按古以冥為冏猶幕之也故大招用靈勺長楊用燠  
蠡冏从鼎而蓋之省作冥耳非冥漠意

祭青今之蜜青梅類也杏炙今之杏酪也 成式食品  
有祭青杏炙即今之杏酪也陸翹鄴中記曰寒食三日  
煮粳米及麥為酪搗杏仁煮粥玉燭寶典曰今人麥粥  
研杏仁為酪今京師勛戚猶然

體薦言全蒸也折俎言半體房蒸也齊蒸言列饌也

烝亦作胄周語曰禘祀之事則有全烝王公立飫則有



房蒸親戚冥饗則有肴蒸全蒸全體也房蒸半體也故  
曰體薦肴蒸骨折也故曰折俎士會曰王享有體薦宴  
有折俎公當享卿當宴即儀禮所謂齊體儀也馮嗣宗  
曰有薦爛乃中古禮有薦熟乃近代禮宋以重席所設  
為體薦折俎其代餉亦云折俎乃借義也大昌駁之謂  
當音浙拘矣

臠膾肌弱細切之臠也 肌膚也祭有膚鼎少牢饋食

禮雍人倫膚肉表皮裏曰弱

而灼切

山谷曰脆腩也臠

房吻

切粗切生肉也膾細切生肉也成式膾有萬鑿蟲足言

其細也說文臠臠也虞悁曰何曾食疏有黃頤臠康成

注臠臠臠今時臠忽各切又作臠說文曰臠肉羶也通鑑

起麵餅鴨臠禰衡在黃祖臠上會設黍臠衡先自飽食

不顧衆賓惟舉搏黍戲弄臠羹柯古曰膜臠臠臠臠肉

也臠臠膜也臠臠臠臠也宋楊伯喈臠臠曰內則去其

臠注云皮肉上臠莫也正謂膜

膊胛腿肉也

饋食禮升羊豕肩臂臠

音

膊

音

胛

音

蓋

髀下為膊猶前足之臂膊下為胛猶前足之肱也說文

曰膊

孫氏市流切  
劉氏音純

切肉也鄉飲士虞特牲皆作肫然注

則曰後脰骨二膊胛也蓋注音猶未舛誤胛字饋食作  
胛少牢禮作胛當以胛為正考工記旒人器中膊膊崇  
四又方四寸鄭氏讀如輶既祔泥而轉其均凱膊其側  
以擬度端其器也高于此則埽普回切不能相勝厚于此  
則火氣不交因取式焉

糗室之肉燒肉也周禮朝事之籩注鮑者於糗室中

乾之出于江淮疏云糲室者糲土為室也說文糲以火  
焙肉也本作𩇛集韻或作𩇛又作𩇛陸務觀所記爆肉  
即此少儀燔亦如之注燔燒肉也曲良翰能驢駿馳峰  
炙即焙肉

汁謂之湑湑滓曰𩇛湑凝曰定 公食大夫禮云賓三  
飯以湑醬鄭云每飯𩇛湑以𩇛擣醬食正饌也湑肉汁  
也亦曰定大羹之定言肉汁凝定也湑音泣博雅曰𩇛  
謂之𩇛造𩇛竝造𩇛也集韻因作湑曰當從泣肉不當

從水音因說文涪幽濕也徐鍇曰今人多言浥涪韻略以涪為肉羹誤矣然則十三經監本之涪亦誤矣今章黼韻學集成從之說文監血醢也他感切禮記有監醢以牛乾脯梁霸鹽酒也鉉曰肫肉汁滓也智斲曰肫即涪之滓定乃涪之凝者涪蓋汁之通稱

聶切曰牒 內則皆聶而切之說文牒

直涉切

薄切肉也

集韻或作剽亦作臠

膾腍肥肉也 肥盛為膾膾方言曰臠膾也膾郭璞音

豚左傳音突豚曰腓肥莊子曰臘者之腓胫腓亦音盾  
今人但知元亂音突而不知象遯楯三音之相因

血羹曰鮑今謂之益 說文鮑羊凝血也苦紺切徐曰  
宋時大官作鮑削藕皮血不凝知藕散血然則鮑血羹  
也今說文無徐語直翁必見別本凡夫直未見也智按  
俗謂凝血皆曰益考說文益血也春秋傳士刲羊亦無  
益也呼光切俗轉為去聲耳方言腓兄也荆揚謂之腓  
桂林謂之貍注未詳智以古兄如荒石經毋兄即無逞

蓋謂臍乃益也。臍音兮，即血之聲。

腹下肥曰腴。山谷曰：燕人膾鯉方寸，切其腴以啗所貴。此出天官籩人注。證膾亦是腹腴子。美詩云：偏勸腹腴。貴季少按說文：螽醜螫垂腴也。腹下肥也。今人曰魚肋，廣川跋孔戣志言：隋煬貢海錯鮓魚蝦子，含肚膾蜜擁劍桂蠹鯉腴，動輒千品。鯉腴專取鯉肋，或滿之以獻。九成言：江鄰幾禱志云：丁正臣齋玉腴來館中。沈休文云：福州人謂之佩羹，即今魚脬是也。成式言：細飄鯽。

漢有稱羊豬彘者唐謂羊豬脂為𦔻 考工博以𦔻注  
謂如𦔻淺之淺又為羊豬彘之彘疏曰俗以羊豬脂為  
𦔻素干反故知漢唐有此語

烏翅乾脯也炙煨即股脩也 庖人注士虞禮注皆曰  
今涼州烏翅疏曰漢時乾脯似之如今閩中千里脯色  
黝紫江楚醬脯色黑類也方言曰吳越曰炙煨乾燂也  
禮注薄析曰脯捶而施薑桂曰股脩左胸胸謂中屈也  
天官庖人注脍乾雉脯乾魚刑膾臠肉大臠而腊人膾



胖注則曰魚之反覆可謂無定解矣說文膾無骨腊也揚雄說烏腊也周禮有膾判判即胖誤也腊字曰北方謂烏腊曰腊傳曰堯如腊舜如腊智謂此言其乾瘠也總不必分烏腊雉腊皆指乾肉腊以析言腊即中屈之照漢曰解肆見周禮乾肉注疏

言寒者凍肉之類也 鹽鐵論羊淹雞寒子建寒鼈七啟寒龜升菴所謂今人改寒為零者也其曰本韓雞為韓國之法則迂矣歲時記雞寒狗熟是其意也周禮六

飲有涼注如今寒粥

膾大者曰軒細者曰劑亦曰纖 南史趙鬼食鴨劑諸

鬼盡著調劑與調叶當音蕭細剉肉糅以薑桂也蓋即  
說文臠臠之臠鄭玄誤解定為乾魚耳軒見內則雞纖  
細擗其腊令纖兔亦如之見釋名今謂之雞臠肉臠魚  
臠筆乘曰特牲饋食佐食舉幹注牲肉長脇也可證幹  
訛為軒又禮記考異軒或作胖

熱洛何烙腥食也 唐玄宗射生官射鮮鹿血煮其腸

食之謂之熱洛何賜安祿山今塞外皆然南方獐獐亦  
喚肉生雖炮炙之然猶有血謂之肉脆如廣東人食魚  
生以為美

鮓即鮓魚鮓曰藏魚蟹醢曰蟹胥爾雅鮓音者乃鮓  
字也說文鮓藏魚也周禮庖人注曰若荊州之鮓魚青  
州之蟹胥說文胥蟹醢也襍俎有蟹蜋

豆乳脂酥即豆腐也物性志曰豆以為腐傳自淮南  
王以豆為乳脂為酥唐宋本艸止有豆黃卷乃以生豆


為芽蘗也宋時稱之按老學菴筆記仲殊長老上堂辭  
衆自縊而舍利五色性嗜蜜豆腐麵觔牛乳皆蜜漬東  
坡為作安州老人食蜜歌

食單食經好事者為之茶酒之書筆乘詳矣 何曾有

安平公食單韋僕射巨源有燒尾宴食單段丞相文昌  
有食經五十卷號鄒平公食憲艸庖榜曰煉珍堂在途  
曰行珍館虞棕有食方謝諷有食經各十卷孟蜀食典  
一百卷酉陽泗水所載隨時自創耳筆乘曰癸未讀田

子執日札載宋大隱朱翼中北山酒經三卷乃知即翼  
中作然又有李保續北山酒經三卷前此更有汝陽王  
璉甘露經王績追焦革釀法為酒經又采儀狄杜康以  
來善釀者為酒譜竇子野亦有酒譜酒錄一卷胡節還  
醉鄉小略五卷白酒方一卷食圖四時酒要一卷藏釀  
方一卷劉炫酒孝經一卷貞元飲略三卷皇甫崧醉鄉  
日月三卷陽曾龜令圃芝蘭集一卷小酒令一卷同塵  
先生庭萱譜一卷近又有酒史三卷田汝成醉鄉律令

一卷陸羽茶經三卷茶記三卷皎然茶訣三卷陸魯望  
茶品一篇溫庭筠採茶錄三卷張又新煎茶水記一卷  
蜀毛錫茶譜一卷丁謂北苑茶錄三卷又北苑拾遺一  
卷蔡宗顏茶山接對一卷又茶譜遺事一卷北苑煎法  
一卷曾伉茶苑總錄十四卷茶法易覽十卷蔡襄有進  
茶錄黃儒有品茶要錄熊蕃有宣化北苑貢茶錄熊客  
有北苑別錄田執衡有煮茶小品客坐贊語載近時茶  
酒之名頗夥



通雅卷三十九



欽定四庫全書

子部  
通雅卷四十

詳校官中書臣朱文翰

員外郎臣牛稔文履勘

總校官降調編修臣倉聖脉

校對官中書臣高中

膳錄監生臣閻崇禮

欽定四庫全書

通雅卷四十

明方以智撰

算數

九數方田粟米差分少廣商功均輸盈朒方程勾股也  
周髀捐悶皆周公之法也夕桀漢名也婁綴新率也

周禮保氏注九數曰方田以御田疇界域曰粟米以御  
交貨變易曰差分一名衰分以御貴賤稟稅曰少廣以  
御羣積方圓曰商功以御功程積實曰均輸以御遠近

勞費曰盈朒一云贏不足以御隱襍互見曰方程以御錯糅正負曰勾股一云旁要以御高深廣遠鄭司農云今有重差夕音的桀即旁要即勾股也章懷曰九章周公所作凡九篇考工記註引粟米法玉人疏引盈不足術曰玉方寸重七兩石方寸重六兩詩綿疏引九章算術云穿地四為壤五為堅三厯譜有許商算術二十六卷杜忠算術十六卷卓茂劉瑜鄭玄馬續翟圃何休張衡皆通之成帝時嵩真曹元理竝明算術吳志趙達南史

顧越北史劉焯蘇綽皆善算術隋志古之九數圓周率  
三徑一其術疏舛自劉歆張衡劉徽王蕃皮延宗之徒  
各設新率未臻折衷宋祖冲之更開密法以盈朒數三  
丈一尺四寸一分五釐九毫三秒六忽正數在盈朒二  
限之間密率圓徑一百一十三圓周三百五十五約率  
圓徑七周二十二又設開差累立兼以正圓參之指要  
精密算氏之最也所著書名綴術子暉之更精志載徐  
岳甄鸞重術二卷李遵義疏一卷楊淑九九算術二卷

岳鸞等撰別術二卷劉徽九章六曹算經一卷重差圖一卷又有孫子趙暇夏侯陽張丘建算經五經算術黃鐘算法張浚九章推圖經法又劉炫著算術一卷李淳風注九章算術要畧孫子算經謝察微算經二卷徐岳記遺曰世人言三不能比兩乃云捐悶與四維注引藝經曰捐悶者周公作也先本位以十二時相從徐爰稱捐悶乃是奇兩之術三不能比兩者孔子所造也四維東萊子所造也李籍音義云包犧氏立法其傳自周公

受之於大夫商高周人志之故曰周髀周髀有趙君卿  
爽注海島算經一卷甄鸞撰李淳風等注宗文目云魏  
劉徽注周官測日景立四表望遠及因木望山之術故  
輒造重差唐志有九章有周髀有海島有孫子有五曹  
有張丘建有夏侯陽有五經算有綴術有集古有紀遺  
凡三等數凡十二家大史丞王孝通緝之宋元豐中秘  
書監趙彥若等校定于地續狹斜之法凡二十術邵蔡  
皆取資焉

和較勾股之斜要也 周商高云數出於方圓圓出於

方方出於矩矩出於九九之數故折矩以為勾勾廣三  
矩脩四徑隅五方之外半一矩而兩之以環于一成三  
四五為長二十有五謂之積矩此數之自生也如勾四  
尺股三尺求勾至股則四尺開方為十六三尺開方如  
九合九與十六為二十五以二十五開方則邊徑為五  
於是知勾股之斜較為五尺此可推也漢法曰菊要謂  
從菊而要之也智按夕桀當是迤而桀之古夕通迤而

呼桀為的訛註夕也上廉下廉從廉隅廉從方益方益

從方則立方之斜和步

闕

則量遠也正弦餘弦正

切餘切正割餘割皆舉經線圍線而名

冪積者開方開立算其積實也 開方克邊徑之數四

方布其實也開立平步而推之六冪皆方也積實謂之

冪積如黃鐘管九寸以平方冪法推之一平方分通有

面冪一萬萬忽九平方分深九十分則空圍內當有八

百一十立方分之類是也大約邊徑求積不過自乘倍



之而以邊求積之形則有法在

隙積即今之圓容也兩邊殺而首齊者曰塹堵四面皆殺而高曰芻童 塹堵者立方如土墻兩邊殺兩頭齊其法併上下廣折半以為之廣以直高乘之又以直高為勾以上廣減下廣餘者為股勾股乘弦以為斜高有芻童者謂如覆斛四面皆殺其法倍上長加入下長以上廣乘之倍下長加入上長以下廣乘之併二位法以高乘之六而二也隙積者謂積之有隙者如累累棊層壇

及積罌之類雖以覆斛四面皆殺緣有剝缺及虛隙處  
用芻童法求之常失于數少今用芻童法為上行下行  
別列下廣以上廣減之餘者以高乘之六而一併入上  
行利公著圓容較義于九章則為少廣

車術即今之測量器也 祖暅之綴術宋衛朴專明車  
術車音胃挂也挂空取線而算之總曰綴術今測量器  
作一方版安兩耳組一隅繫線目穿兩耳組以直物杪  
則線必下垂視其所直分數以三率乘除之其神捷者

竝不須方版矣三率者異乘同除法也以第二率第三率相乘得數以第一率為法除之變測者第一率二率相乘而以三率之數分除知之然凡乘除無往而非三率也若事務人數歲月數工直數則用重測凡學者屏欲尊精乃能慧解如精耗病散則目光為日光水光所奪必迤且支而不準

立圓者圓圓也非痺圓與筭圓也自乘平方以徑再乘之即立方矣痺圓者方四分而除一也細核之徑一

圍三則有餘徑七圍二十二尚不足也徑十七周五十  
二始無差筭圓以圓加積耳立圓者滾圓也最難得法  
度數衍自乘而自乘而九乘之其積即四四立圓之積  
也今以自又自乘又九之而四四除即得立圓之畧  
方田今曰丈量 方五尺為步二百四十步為畝長十  
六廣十五也廣一丈長六十丈亦一畝也廣不齊者多  
量之合而折之兩量則兩折三量則三折四量則四折  
折則小大皆勻以與直相乘而以六除之弓步用二十

四除丈尺用六除

祢命算學也 漢志引書曰先其算命二百七十一枚  
成六觚為一握長八寸計歷數者也外國法用籌算古  
人持籌會計豈無法乎升菴引作祢命祢乃古算字說  
文算从竹弄引逸周書曰士分民之祢均分以祢之也  
讀若算此許氏疑而未決耳又作竿吳王濞傳上方與  
晁錯調兵竿軍食宋書二凶傳詳加竿考子才曰祢象  
縱橫之形

同律度量衡同於黃鐘之法也 說苑曰以黍生之十

黍為一分十分為一寸十寸為一尺十尺為一丈十丈  
為一引十六黍為一豆六豆為一銖二十四銖為一兩  
十六兩為一斤三十斤為一鈞四鈞為一石十二黍為  
一龠十龠為一合十合為一升十升為一斗十斗為一  
石公紹引一曰龠實八十一黍者誤也後漢志注引說  
苑曰十粟重一圭十圭重一銖漢志曰量始于龠合于  
合登于升聚于斗角于斛度分子分忒于寸萁于尺長

于丈信于引百黍為銖刺法也二十四銖為一兩時法也時有上下也十六兩為一斤一斤為三百八十四銖合一年閏月之數三十斤為一鈞月法也一月三十日四鈞為一石四時也徐鍇曰一鈞為萬有一千五百二十銖虛舟子曰兩者兩黃鐘之數也智以度量皆以十為法而權衡獨依律法歲月蓋權衡為其大者一事而有二名焉以十為法者以河洛之數盡于十而用九也葉定秒定也淮南子曰秋分葉定葉定而未熟律之

數十二故十二葉而當一粟十二粟而一分十二分而一銖十二銖而半兩說文曰春分而禾生夏至晷影可度禾有秒秋分而秒定律數十二秒而當一分十分而寸其以為重十二粟為一分十二分為一銖故諸程品皆從禾今歷大率一分百秒或八十秒函蓋則每度六十分一分六十秒其義蓋本乎此也周禮總義曰十二時每時八刻二十分每刻六十分秒因之則古已有六十分之法矣



十髮曰程章程法式也 漢高紀張蒼定章程如淳曰  
章厯數之章術程者權衡斗角丈尺之法說文曰程品  
也十髮曰程十程為分十分為寸秦之程書則猶稱秤  
之稱也因有程課之義以計路則曰路程

四圭曰撮撮者合也六十四黍曰圭五首成一文亦曰  
圭 律厯志不失圭撮注四圭曰撮三指撮之李東璧  
曰丸散之刀圭者十分方寸匕之一准如梧桐子也方  
寸匕者作匕正方一寸秒散不落為度一撮者四刀圭

也匕即匙也六十四黍為一圭四圭為一合然則撮即合矣又凡合單絲為一系四系為一扶五扶為一首五首成一文文彩淳為一圭按圭與掛同古皆來韻歸齊微也篆家以玉圭从室而圭為掛形卦爻之卦亦取此加卜會意後又加手

糸黍錙銖言其微也律歷志十黍為糸十糸為銖或曰十絲為糸東璧則曰十糸曰釐四釐曰糸八兩曰錙伯厚曰六銖曰錙按以六銖為錙正合陶貞白所云十

分去聲若曰八兩則已重矣非古人言較鎰銖之意也沈

存中曰唐書開元錢重二銖四參今蜀郡亦以十參為一銖參乃古參字加為累累相傳訛耳

律度量衡今大於古能候律者得古準矣 宋張子賢言京口甘露寺二鐵鑊有文梁天監造仙殿前又一行云五十石鑊然形製不能容今之五十石可知古斗斛小六朝時已大於古而今又大於六朝時也仙古佛字夢溪筆談曰鈞石之石重百二十斤後人以一斛為一

石自漢已如此飲酒一石不亂是也漢之一斛亦是今之二斗七升以鈞石之石百二十斤今秤記之當三十二斤亦今之三斗酒也挽蹶弓弩舌人以鈞石率之今人乃以粳米一斛之重為一石凡石者以九十二斤為法乃漢秤三百四十一斤也今戍卒蹶有九石者計其力乃古之二十五石弓有挽三石乃古之三十四鈞又曰考樂律及受詔改鑄渾儀求秦漢以前度量斗記六斗當今一斗七升九合秤三斤當今十三兩為升中方

古尺二寸五分十分分之二今尺一寸八分百分分之  
四十五強宋時雜注曰古一斤當今四兩三分兩之一  
一兩當今六銖半智按通典魏初杜夔造斛大于昔時  
晉志魏景元四年劉徽注九章商功曰當今大司農斛  
圓徑一尺三寸五分五釐深一尺積一千四百四十一  
寸十分之一王莽銅斛於今尺為九寸五分五釐徑一  
尺三寸六分八釐七毫魏斛大尺長莽斛小尺短程大  
昌曰杜佑叙六朝賦稅而論其總曰唐志一尺二寸為

大尺二籥為合三斗為大斗十斗為斛大要度量三升當今一升秤則三兩當今一兩尺則二尺當今一尺陸文裕深曰虞書曰乃同律度量衡三代共之至秦不師古而後紛綸莫定矣迨南渡六朝割裂之際乃有大升大兩長尺之法當時調鐘律測晷景及冠冕制用小升小兩自餘公私用大升兩或曰三兩三升尺二寸隋制也董彥遠亦云古量不及今三之一胡三省曰北魏高祖已有廢大斗去長尺之令矣陶貞白曰古秤惟有銖

兩而無分名今則以十黍為一銖六銖為一分

去聲

四分

成一兩十六兩為一斤雖有子穀秬黍之制從來均之已久依此用之蘇恭曰古秤皆複今南秤是也後漢以來分一斤為二斤一兩為二兩李杲曰六銖為一分即二錢半也二十四銖為一兩古之三兩今之一兩古之二兩今之六錢半也近世李時珍曰初吐絲為忽十忽為絲十絲曰釐四釐曰綮十釐曰分四綮曰字二分半也十綮曰銖四分也四字曰錢十分也六銖曰一分

去聲

二錢半也四分曰兩二十四銖也八兩曰鎰二鎰曰斤  
鎰斤半也准官秤十二兩三十斤曰鈞四鈞曰石一百  
二十斤也今古異制古之一兩今用一錢可也由此論  
之三兩為兩三升為升尺二為尺不始于唐隋而先行  
于南北朝以李東垣之言前漢已有複秤以文裕之言  
則變古始于秦以張子賢之言則趙宋之斗斛又大于  
蕭梁時以李時珍之言一兩用一錢則十之一矣其將  
候氣截管以取律度然後而定邪



數有十等億兆京垓秭壤溝澗正載三等上中下也京  
垓亦曰經咳十垓之秭亦曰散 楚語曰百姓千品萬  
官億醜兆民經入咳數天子之田九咳以食兆民王取  
經入焉以食百官又曰計億事材兆物收經入行咳極  
注數極於咳萬萬曰咳是九州之極數也韋昭曰九州  
之內有咳數兆民耕食其中也法華經注梵言那由佗  
此云咳數十京曰咳合溪謂數今亡矣智謂咳咳一  
字也子華子曰受九垓之經夏侯陽算經序算數起自

伏羲而黃帝定三數為十等隸首因以著九章徐岳數  
術紀遺云黃帝為法數有十等及其用也乃有三焉三  
謂上中下十謂億兆京垓秭壤溝澗正載也詩云萬億  
及秭毛氏曰數萬至萬曰億數億至億曰秭應邵曰萬  
生億億生兆兆生京京生秭秭生垓垓生壤壤生溝溝  
生澗澗生正正生載地不能載矣與徐合略倒秭於垓  
上耳秭有四說說文曰布十縷為縵五縵為秭徐鍇曰  
秭六萬四千斤也與毛萇徐岳所說為四矣增韻十垓

曰補集韻作緡亦作敝古作補合溪曰數今亡未考諸  
說耳

律度量衡總名五量不獨量有五也 家語黃帝設五  
量曰權衡曰升斛曰尺丈曰里步曰十百漢志五量則  
龠合升斗斛

以身仞之曰仞以兩手尋之曰尋以兩足步之曰步  
說文伸臂一尋八尺徐鍇曰六尺曰尋小爾雅曰四尺  
曰仞倍曰尋包咸鄭玄皆以仞為七尺漢書應邵注五

尺六寸顏籀曰非也八尺曰仞取人伸臂一尋書為山  
九仞釋文云七尺左傳仞溝洫孟子掘井九仞注八尺  
也仞即俗之認儒林傳仞其說是也以身認之其長曰  
仞兩手尋之亦如是也兩足步之亦如是也戴氏皆以  
為八尺蓋古尺短周尺八寸以今度之一寸又減二分  
應邵之說據漢尺也鄭玄七尺之說疑八尺太長耳步  
尋皆八尺其言四尺曰尋六尺為步皆以周尺約之耳  
周制寸尺咫尋常皆以人之體為法

側手為膚案指知寸布手知尺 公羊傳注曰側手為  
膚按指為寸投壺注曰鋪四指曰扶一指案寸膚扶字  
通大戴禮曰布指知寸布手知尺舒肱知尋智以尺寸  
本合人手故又加一為寸自關上魚際為寸自關至肘  
為尺又曰各人以中指一節為寸謂屈而視其內肉紋  
耳醫經骨度兩乳之間九寸自中指至腕九寸

大尺曰施墨者工師之五尺也 國語注五尺為墨倍  
墨為丈今木匠各用五尺以成宮室以國語注言之其

名當為墨管子地員篇其施七尺注施者大尺之名施音遺智謂正如今之五尺

宋之尺法凡十五等曰周尺曰晉田父玉尺曰梁表尺曰漢官尺曰魏尺曰晉後尺曰後魏前尺曰中尺曰後尺曰東魏後尺曰蔡邕銅籥尺曰宋氏尺曰隋水尺曰雜尺曰梁俗間尺 此見宋志又見紺珠集宋程迺玉器圖義言宋景文公定以周尺為之本以考諸尺知胡阮之失按蔡邕斷曰夏十寸為尺殷九寸為尺周八寸

為尺通鑑外紀曰禹十寸為尺湯十二寸為尺成王八寸為尺漢章帝時冷道舜祠下得玉律以為尺謂之漢官尺冷道即零陵道州也晉始平中得古銅尺晉律志兩尺長短度同禮記周尺注曰按禮制周猶以十寸為尺六國變亂法度或言周尺八寸則步更為八八六尺四寸以此計之古者百畝當今百五十六畝二十五步古者百里當今百二十五里賓退錄曰溫公圖以周尺當今布帛尺七寸五分弱于今浙尺為八寸四分朱晦

菴謂伊川省尺五寸五分者誤蓋從溫公也

步百為畝商鞅改制二百四十步為畝 六尺為步步百為晦晦百為夫夫三為屋屋三為井方一里井十為通通十為成方十里十成為終十終為同方百里同十為封封十為畿方千里司馬法及通典皆曰商鞅改制二百四十步為畝

十千為耦三十里地也 詩十千為耦注三十里萬夫之地四有川內方三十二里有奇萬人為耦而並耕



八寸曰咫 說文曰中婦人之手長八寸謂之咫周尺也國語曰隼集陳庭楛矢貫之石砮長尺有咫廣韻引賈逵曰八寸曰咫鄭志純三只只八寸只即咫也集韻一作咫

今時之尺則有七法 家禮言古尺五寸五分周尺七寸五分漢尺較長今有鈔尺有三司布帛尺有工匠尺術家尺魯班九天玄女尺皆門式尺也歷家有晷度尺醫家有全身尺即說文所稱全身尺也郎瑛曰夏十寸

為尺

通鑑外紀十二寸為尺  
蔡邕獨斷九寸為尺

商周八寸為尺

外紀獨斷  
皆同但鄭

注猶以十寸為尺而通  
謂之未詳姑依諸書

秦比周七寸四分漢官尺比周

一尺三分七毫劉歆銅斛尺後漢建武銅尺與周同三

國吳蜀同周魏比周一尺四分七毫後魏前尺比周一

尺二寸七釐中尺比周一尺二寸一分一釐後尺比周

一尺二寸八分一釐晉田父玉尺

世說田父於野  
中得周時玉尺

與梁

法尺比周一尺七釐後晉比周一尺六分二釐宋齊尺

比周一尺六分四釐梁表尺比周一尺二分陳尺同後

晉東魏比周一尺五寸八釐市尺與後魏後尺同隋開

皇官尺同上

後周市尺開皇官尺皆鐵尺也

萬寶常所造木尺比周一

尺一寸八分六釐

以前多銅為之至此用木

唐尺與古玉尺同

貞觀中成

延秀為太常卿以為奇翫獻玉尺而失之其迹猶存所定得六之五

開元尺度以十寸為

尺尺二寸為大尺五代世短多相應襲志亦無考也惟

周王朴所定尺比周一尺二分有奇及宋二景表尺比

周一尺六分有奇胡瑗樂書黍尺比周一尺七分司馬

光布帛尺比周一尺三寸五分

已上宋之三尺出三器圖義諸書皆泛論以當

時未有一元尺傳聞至大志無考焉  
定之制

半步曰跬五武為步 司馬法曰一舉足曰跬跬三尺  
兩舉足曰步步六尺跬或作頃禮頃步而不敢忘荀子  
作跬跬即跬字儀禮不及地或注武迹也中人之迹尺  
二寸疏云漢禮云五武為步步六尺迹尺二寸蓋據此  
而言也木八尺為步以八寸之尺約言六尺耳

三百六十步為一里即三百弓曰三百步者舉大槩也  
二尺為一肘四肘為一弓三百弓為一里風俗通曰

路程以三百六十步為一里里者止也公羊疏曰六尺為步三百步為里其曰一尺五寸為一肘者附會公羊疏說也正義曰凡此候道虎九十弓熊七十弓豹麋五十弓今之射者布地猶論弓云

四尺曰鵠舉大槩也鄭司農曰方十尺曰侯四尺曰鵠二尺曰正四寸曰質正鵠皆鳥之捷黠者鄭康成謂鵠小鳥而難中中之為雉按其實數蓋三分其廣而鵠居一則侯中丈八尺者鵠方六尺侯丈四尺者鵠四尺

六寸侯一丈者鵠三尺三寸司農之說未當也康成鵠  
小鳥皆非也鵠即鶴豈小鳥乎蓋謂其遠舉射的期中  
遠也正則謂射的之正中質謂其地也詩詁曰發彼有  
的毛云的質也周禮注鄭衆馬融云鵠之中二尺曰正  
四寸曰質王肅又引小爾雅云鵠之中謂之正正方二  
尺正中謂之摯摯則質也今按鄉射記天子熊侯白質  
諸侯麋侯赤質大夫布侯畫虎豹士布侯畫鹿豕凡畫  
者丹質鄭云白質皆謂采其地又荀子質的張而引矢

至馬楊倞注云質射侯也的正鵠也然則毛以的為質  
鄭馬謂四寸曰質王謂正之中為槩而槩為質者皆誤矣  
城三堵曰垝 韻會作垝集韻作垝今通作雉杜預曰  
方丈曰堵三堵曰雉一雉之牆長三丈高一丈公羊說  
五版為堵五堵為雉正義曰堵四十尺雉二百尺百雉  
當二萬尺周十一里三十二步二尺王肅曰城高一丈  
曰堵三堵曰雉肅之說即預之說也坊記注百雉為長  
三百丈方五百步則亦三堵之說也鄭玄曰版六尺何

休取韓詩版長八尺

五雋五輪之規也 曲禮立視五雋音攜規也輪一周  
為一規五規九十五尺是十六步

二丈曰端五兩曰束兩者匹也 士昏禮注束帛十端  
子夏易傳曰五匹為束三玄二纁襍記曰幣帛一束束  
五兩兩五尋是每端二丈曾子問注丈八尺為端杜預  
曰二丈為端一端為兩所謂匹也小爾雅曰倍兩謂之  
匹周禮媒氏入幣純帛無過五兩注云必言兩者欲得



配合之名十者象五行十日相成也此解牽強如此說則銖兩亦配合之名邪內宰序制注天子巡狩禮云制幣丈八尺純四积純謂幅廣制謂正長是則有丈八尺之端有二丈之端矣儀禮中十尺注方者也用布五丈今官市幅廣二尺二寸剝削一寸疏曰此言十尺用布五幅兩畔各削一寸為縫鄭志純三尺只八寸二尺四寸者據繒幅也然則四积者訛邪廣制布帛六丈為端四丈為足

緯謂之綌綿謂之綌錦繡謂之純曰紕曰總曰首漢律也曰屯曰紕曰綌唐令也 緯十縷曰綌音柳沈佺期七夕曝衣篇上有仙人長命綌至今人呼柳綿二片曰綌或曰一片曰綌音透蘇秦傳錦繡千純音徒渾切注凡絲綿布帛一段為一屯詩白茅純束非純廣之純上聲二算之純音全漢律曰綺絲數謂之紕布謂之總綌組謂之首說文紕音治小切杜佑曰唐令綿六兩為屯絲五兩為紕麻三斤為綌綌郎計切唐鑑云賜貴近人

絲一綖小顏注急就曰綖重三斤五兩今曰平紬錦綉  
千純音屯正音唐令之屯也布八十縷曰綖總與綖通  
又與駿通詩越以駿邁箋云駿總也疏曰麻縷為數一  
升用繩編之說文紬乎沒切縷一枚也潔古屑切麻一  
端也

稷耗秉數也 稷子紅切耗宅加切又作秬秬秬又音  
丁故切此上古無家麻音也聘禮禾四秉曰筥十筥曰  
稷十稷曰耗耗四百秉也筥又為半斛說文耗秬也二

秭為秬引周禮為二百四十斤為秉周禮注又曰十六斛曰數十數曰秉小爾雅曰把謂之秉秉四曰筥筥十曰稷論語注六百四十斛為稷徐鍇曰秭六萬四千斤黃公紹曰稷从禾止為十筥之名縵从糸八十縷絲數也總从糸縫飾也韻書不明徐鍇之說誤以八十縷訓稷集韻又曰通作縵總則又以絲數之縵縫飾之總與稷為一矣韻書不明詩疏之說誤以絲數訓總增韻又曰與縵同則又以縵總作一字矣復古編云稷布八十

縷別作綬非此又但知稷之不可以為綬而又不知稷之非八十縷也亦誤

斛大于升 禮書曰斛二升二斛為豆四升

秉有四名 徐鍇引論語禾數百二十斤為秬二秬為秉四秉為筥粟五秉十石也又儀禮米數米斛為筥十六斛為秉又小爾雅二鍾謂之秉又把謂之秉左傳或取一秉秬詩此有遺秉詩詁曰盈手曰秉韓詩外傳鴻鵠千里者六翮耳背上之毛腹下之毳益一把不為加

高損一把不為加下則古汎言曰把

秣禾四把也 長沙謂禾二把曰稿禾四把曰秣音蕤

丁度作秣

糲繫穀秣皆舂數也

糲本作糲

音賴

繫从穀苜省苜音

仕朔切經傳通用鑿左傳粢食不鑿是也穀許委切粢  
加作糲說文曰粟重一石為十六斗大半斗舂為米一  
斛曰糲糲米一斛舂為八斗曰穀九斗曰鑿又曰稻重  
一石為粟二十斗為米十斗曰穀為米六斗大半斗曰

粳智按糲一斛舂為八斗曰穀又曰粟二十斗為米十斗曰穀而說文解斛字十斗也豈不牴牾其抄訛邪召旻彼疏斯糲毛萇曰糲精也說文糲穀也鄭箋云疏謂糲米也米之率糲十糲九鑿八侍御七糲非稗正義曰九章粟法云粟率五十糲米三十糲二十七鑿二十四侍御二十一言粟五升為糲米三升以下則米漸細故數益少四種之米皆以三約之韻會引說文糲粳皆云粟重一石唐人別石耳

藪即庾餗即斛合四者而一之又非矣 藪素口色縷  
二切說文炊箕也箕漉米藪也於六切借為量名智按  
以色縷切為正聘禮門外三十車車秉有五藪康成曰  
今文藪或為逾十斗曰斛十六斗曰藪韋昭注國語引  
聘禮十六斗為庾然則藪即庾明矣疑漢末時藪竟有  
逾音也考工記漆三斛又曰庾實二斛厚半寸唇寸豆  
實三而成斛按此與釜庾之庾異釜庾之庾其實有十  
六斗而此二十有四升疑當為斛莊子曰餗斛不敢出



于四境注六斛四斗曰缺即斛也則又與實二觔之庾不合矣公紹曰庾有二法智按有三法一則十六斗之庾一則二十四升之庾一則六斛四斗之缺豈注者所記不確邪六斛四斗之缺則十釜矣釜六斗四升說者曰藪逾庾缺斛皆一數非也

齊四量豆區釜鍾則以四加也 區音謳齊四豆為區四區為釜釜十則鍾注區斗六升釜六斗四升鍾六斛四斗小爾雅釜二有半謂之藪藪二有半謂之缶缶二

有半謂之鍾注八斛也則四斛為圭一斛六斗為數六斗四升為釜韻會引爾雅注二斛為豆斛二升四豆曰區四區曰釜釜二有半曰庾此則十六斗之庾今小爾雅與韻會所引二或為三或脫有半則誤也陳師道曰天寶元載勅麴以三斤四兩為一斗管子輕重丁篇百泉則鉅二十也注二升八合曰鉅鳥區切智以為即豆區之區名同實異猶今之各方斗斛同一名而大小異也

豆有四名 豆為豆籩周禮醢人掌四豆之實注實容  
四升族人為簋實一穀崇尺厚半寸豆實三而成穀穀  
十二升實三豆正四升之豆也說苑十六黍為一豆六  
豆為一銖豆又與斗通詩酌以大斗一作豆古作𣎵易  
林樹耘一豆考工中人食豆肉豆酒皆謂一斗詳見器  
觴豆下

斛與斛同斛與穀不同穀數即筭數也 晉胡奮傳弟  
烈諒討涼屯於萬斛堆注斛與斛同說文曰鬲實五穀

十二升曰𥲧徐鍇曰五𥲧六斗也斗筭注筭容十二升  
五筭即𥲧爾雅䟽𥲧受三斗𣬠五斗𥲧六斗

𥲧二斛也鼓十二斛也 說文曰今鹽官三斛為一𥲧

禮記量鼓䟽隱義云東海樂浪人呼容十二斛者為鼓  
二十四兩為鎰因一溢而名也 或曰鎰二十兩或曰

三十兩當以二十四兩為是合三鈔之數也鎰從溢來  
孔叢子曰兩手曰掬一手曰溢所謂朝一溢米也鎰或  
為餅錠之通名孟子百鎰可推宋大兩為七十二銖即

一錢為七銖畸十分銖之一此則三兩為一大兩明矣  
皇祐新樂圖有秤銖幹圖有星一繫一盤正似民間金  
銀等子

倍舉曰銖銖也鍰也鐸也率也鐸也選也算也一也

小爾雅二十四銖曰兩兩有半曰捷倍捷曰舉倍舉曰  
銖銖謂之鍰宋咸曰舉三兩鍰六兩考工記重三銖注  
引說文銖鍰也今東萊稱或以大半兩為鈞十鈞為環  
環重六兩大半兩則三銖為一斤四兩疏曰王肅之徒

皆以六兩為鍤呂刑其罰百鍤注音鐶亦通作鐶漢五行志宮門銅鍤謂環也說文引周禮重三銖北方以二十兩為銖東萊以鐶為權重百二十斤亦曰銖以此而言則非百率之鍤六兩也師古曰銖重十銖二十五分銖之十三是又非六兩之銖也孫榮北里志曲中常價一席四鐶見燭即倍此以鐶為數者以今古約之六兩是今二兩字彙銖音劣又音刷又有銖字亦音刷三銖為一斤智按銖乃銖之訛嘗考蕭望之傳金選音刷周

本紀其罰百率徐廣曰率即鍰秋官注疏以為古之率多作鍰漢人讀率為所劣切故以刷音率即以刷音選恤紹皆失載何望及選算之通乎詳見疑始字說中

一石為石再石為儋故後人以儋呼石 漢書一石為石再石為儋言人儋之也貨殖注一石兩甕也斗斛之斛今謂之石此量也鈞石之石百二十斤此衡也樂府射鳥辭鳴鳴啞啞引弓射洞左腋陛下壽萬年臣為二千石則韻為碩音俗乃呼担蓋因儋之誤也

秦以一鎰為一金漢以一斤為一金 史記一黃金一  
斤注索隱曰如淳云時以錢為貸黃金一斤值錢萬非  
也臣瓚曰秦以一鎰為一金漢以一斤為一金程大昌  
演繁露曰公孫閑使人操十金卜于市注二十兩為一  
金此因秦鎰言也蜀文谷備忘小抄云四兩為一斤  
秦不用銀漢制金為幣非散用故以一金為名也 智  
嘗作用幣說曰前食貨志云太公為周立九府圜法黃  
金方寸而重一斤錢圜函方輕重以銖小顏曰言黃金



以斤為名錢則以銖為重也李奇解圜法圜即錢也圜一寸而重九兩師古非之以太府玉府內府外府泉府天府臧內臧金臧幣為九府圜謂均而通也秦并天下幣為二等黃金以溢為名上幣銅錢質如周錢文曰半兩重如其文而珠玉龜貝錫銀之屬為器飾寶藏不為幣漢興以為秦錢重難用更令民鑄荚錢黃金一斤而不軌逐利之民蓄積餘贏以稽市物痛騰躍平準書更命民鑄錢一黃金一斤約法省禁云云智按黃金一斤

四字上下文不甚洽疑有脫簡師古曰復周之制更以斤名金其他又云馬至匹百金或功爵凡直三十餘萬金陸賈橐裝直千金賜斥上將軍四十金之類詎如今俗之以一金為一兩邪惠紀視作斥上者將軍四十金二千石二十金六百石以上六金五百石以下至佐吏二金注鄭氏曰四十金四十斤金也晉灼曰斥上二千石賜錢二萬此言四十金實金也下言黃金真金也不言黃謂錢也食貨志黃金一斤值錢萬師古曰諸賜言

黃金者皆與之金不言黃者謂與萬錢也公羊百金之魚何休注百金猶百萬也古者以金重一斤若今萬錢矣智考晉灼所引食貨志黃金一斤值錢萬此乃王莽之法也黃金何其賤歟下又云朱提銀重八兩為一流直一千五百八十它銀一流直千是為銀貨二品本八兩銀矣乃直千錢何其懸絕毋乃為大錢乎莽大錢徑寸二分重十二銖文曰大錢五十言當五十小錢也小錢直一重一銖次曰幺曰幼曰中曰壯則小錢正驚眼

錢環之比矣大錢五十止可當銀一分耳智固以莽之所謂黃金一斤朱提銀一流者乃貨品而以金襍之猶武帝之白選曰白金也承上文錢貨六品而言下又云是為銀貨二品其義明甚獨疑周之黃金方寸而重一斤曰一斤則一斤矣何為重言方寸乎此承上文九府圜法而言為九府之一幣必有制度所云方者或如漢白金之二品曰重差小方之乎李奇曰圜一寸而重九兩未可厚非也可因而推知方寸一斤之說矣平準所

云更令民鑄錢一黃金一斤者蓋謂一黃金鑄幣號曰一斤也食貨志又曰今半兩錢法重四銖鄭氏曰其丈為半兩實重四銖也然則周之方寸漢之白選莽之銀貨應皆別有實法今不載其法耳古不許民散用銀必成幣而後令用之是秦之幣二等不及銀者固有以也銀即在金鎰中矣世代既殊稱謂移易遷固文字古簡自魏晉唐諸人即以臆揣作注臣瓚曰秦以一鎰為一金漢以一斤為一金此說為近猶可苟考縣斷耳徐鍇

曰書金作贖刑古贖皆用銅漢始用黃金少其斤兩後  
魏以金難得合金一兩收絹一疋禹貢金三品康成曰  
銅三色則或者曰金幣是銅鑒金者乎晉志引漢金布  
律有罰贖入責以呈黃金為價科有平庸此自鈞金之  
遺然金有高低沉漢制金為幣或有倣半兩而實重四  
銖者乎故須呈價也景帝六年定鑄錢偽黃金律元封  
五年酎祭少府省金金輕色惡者奪爵王子侯表地節  
四年襄隄侯聖坐酎斤八兩少四兩免五鳳四年朝侯

固城坐酎金少四兩免太始元年更黃金為麟趾褭蹠  
師古曰舊金雖以斤兩為名而官有常形制亦猶今時  
吉字金挺之類亦曰馬蹄金往往于地中得之武帝表  
祥瑞故普改鑄錢為麟趾褭蹠之形以易舊法爾常璩  
巴志言黔中弭頭虎子夷秦精秦王刻石與盟殺人顧  
死倭錢盟曰秦犯彛輸黃龍一雙戎犯秦輸清酒一鍾  
所云黃龍一雙乃當時之金幣也由此觀之余謂不許  
散用金銀而金幣有形此確證也董彥遠曰漢一金金

四兩直二千五百文此揣古今而兩不沒爾方勺曰漢法聘后用黃金二萬斤為錢二萬萬又曰當時黃金一兩才六百銀一兩才二百東坡但怪古黃金之多此未考爾智以李時珍之言一當十則太少酌以沈存中程大昌之言則古一斤為今五兩而少一兩為今三錢而少然則漢之四銖錢正如唐開元之二銖而少漢之筴錢則輕極矣宋王楙燕翼貽謀曰真宗問曰咸平中銀兩八百金兩五千今何增踊如此



銀謂之餅亦謂之笏猶今之錠也 周禮職金注祭五  
帝則供餅金餅音餅公紹解為金釵非也三國志魏郭  
修刺費禕賜其子銀千餅水經注嶺南林水石室有銀  
有奴竊其三餅歸即死墨莊漫錄曰崇寧中朱芾為太  
常博士詔以黃庭小楷作千文以獻賜白金十六笏江  
休復曰令狐揆托序獻李彛庾彛庾使送銀二笏智按  
今閩甌湖南皆傾銀作餅此即餅之遺也他處皆傾作  
錠今之一錠猶古之一金也古一金以一斤制幣雖未

必實重一斤然定有常形如今之錠唐人所云吉字挺  
正如錠耳後世分兩漸改錠有大小相沿遂以一兩為  
一金矣韓滉擔夫與白金一版版猶餅也

千錢曰仟百錢曰佰 漢志仟佰之得注仟謂千錢佰  
謂百錢今俗猶以百錢為一佰音陌夢溪筆談曰佰借  
正如什與伍耳唐自皇甫鏐為墊錢法至昭宗末乃定  
八十為佰後漢隱帝時三司使王章每出官錢又減三  
錢以七十七為百至今輸官有八十佰者智考五代史

王章錢謂之省佰錢自宋晉平王休祐即以短錢賦梁武帝普通中鑄鐵錢嶺東八十為佰曰東錢江郢以七十為佰曰長錢大同詔聞用九陌錢今可用足陌錢非始自唐皇甫鎛也佰陌字通匡衡傳閩佰為界佰即陌也梁紀用足陌錢陌即佰也

一隻亦可曰騎 漢五行志匹馬騎輪無反注一隻之輪段會宗傳亦足以復鴈門之騎應劭曰隻也此皆讀數奇之奇可通用也太宗騎羸二贊亦謂其奇零說文

踦一足也今人讀擲擲即踦之入聲

甲楯謂之被 被音披絳侯世家甲楯五百被通作披  
猶言副也

雙玉曰穀五穀為區 穀音覺與珏同二玉相合也區  
如字

數弩曰張亦謂之綦 綦即弩字李陵傳連弩注三十  
弩共一弦張晏曰三十綦共一臂也舊按三十弩共一  
弦之說非是今諸葛弩連弩也每發不過十矢兵法有

伏地之弩亦曰連弩橫設於地以機發弦一發嘗三十張

帶一圍亦名一腰猶一稱一領也 老學菴記周武帝賜李賢御十三環金帶一腰是也世說王大見王恭坐六尺輦曰可以一領及我

凡一重謂之一襲不獨衣稱襲也 文選應門八襲又十襲珍藏皆謂重數也

田十有二頃曰園又作囿 見轉注古音引漢碑引詩

齧齧原隰子才以圖為齧殆因齧生乎

一斗曰匚 見宵祭錄伯溫曰本古方字借為受物之器隸作匱即筐字

一抱謂之口 漢成帝紀大風拔木十圍以上古作口象四匝之形後人加作圍

木四方為棧八棱為枅 見通俗文說文徐鍇按字書三棱為枅通為觚班固賦上枅棱而棲金雀

半矩曲尺也其股謂之宣其句謂之櫛 車人半矩謂

之宣一宣有半謂之櫺今之曲尺所以為矩也其直而句者必長於橫而股者有半是其遺制也

度屋曰楹 一列為一楹程伊川言齋七楹唐王盈孫曰太廟二十三楹

一丈曰筵 說文引周禮度堂以筵筵一丈又鋪陳曰筵禮司几筵疏初在地者一重謂之筵

船以艘名亦以翼名 七命浮三翼注引越絕書大翼中翼小翼然實大艘直以翼呼之顏延年詩千翼泛輕

波注千艘也漢食貨志漕船五百艘廣韻作艘說文曰  
本作艘徐曰猶俗言船一搜也艘音騷

酒席添換次第亦以琖名 醖與琖通言上一肴催酒  
一巡也石林燕語曰寇萊公宴會至三十醖好舞柘枝  
用二十四人每舞連數醖號柘枝顛言其久也

珠五百枚為一琲 音佩一說珠十貫或書作琲孫權  
貢珠百琲

什一曰仂 禮記祭用數之仂注什一也疏曰分數之



名考工以其圉之力捐其數注力三分之一也與仂同  
倍灑即倍蓰也 史記引穆王鞶命其罰倍灑注灑與  
蓰同孟子或相倍蓰注數五倍曰蓰

馬二百一十六匹為廐 徐鍇曰周禮為匹為乘乘馬  
一師四圉三乘為皂一趣馬二皂為繫一馭夫六繫為  
廐音救一僕夫凡二百一十六應乾之策說文一十四誤  
也藝文類聚曰馬光景一匹長故曰匹廐俗作廐

樂舞一擊一刺為一伐 樂記駟伐注駟當為四每奏

四伐一擊一刺為伐今南中卓犖之舞戲與伐通當有此意

朋者合人而言也故兩貝曰朋兩尊曰朋 詩朋酒斯饗漢志注兩貝曰朋韻書引五貝曰朋此詩錫我百朋注也本草曰大貝牝貝玄貝小貝不成貝此漢食貨志之五貝也今雲南用貝呼為海肥以一為庄四庄為手四手為苗五苗為索魏王謂朋當作貝

投壺之數曰扶二算為純 投壺禮二算為純音全戴

氏以為如字室中五扶堂上七扶庭中九扶注曰鋪四指曰扶公羊傳扶寸而合注側手曰扶按指曰寸扶寸一作膚寸

十二矢為一發 見漢書韋昭曰射禮三而止每射四矢四為乘矢今人則以九矢為一棚棚當作弮

三里曰壯 壯即圩字見倉頡篇

一層謂之一成 說文山丹成曰岓音培大岓山在黎陽又十里為一成

紙以番名羽亦當以番名 番音翻智按紙謂其可翻  
故以番數之因以一次為一番杜詩會須上番看成竹  
獨孤及詩近日霜毛一番新此詩人假借或取方言真  
率故有飯音不可以為據也列子蛻旋之瀋為淵瀋音  
盤莊子止水之審為淵簡文曰蟠聚也往古借音因思  
周禮羽人十羽為審注審亦束也此亦當借音翻

枚謂之个 个乃屋東西廂也象形左傳寘饋於个月  
令右个是也因屋有間遂用為數檀弓國君七个又考

工記梓人為侯上兩個與其身三下兩個半之讀為幹  
枚本木之小幹猶个也故以為數又為鞭枚為銜枚以  
其小幹為鍾枚以其乳可數也曰枚枚言其多而深難  
悉數也个一作箇竹稱个貨殖傳竹萬个楊僕表云入  
竹二萬个

一片亦稱一半 漢書李陵傳令軍士各持一半冰注  
一半猶一片也片判木也从半木本匹見切又匹半切  
莊子曰雌雄片合別作牝儀禮喪服傳夫婦牝合也劉

臯曰或析文以為妙字彙謂析字誤作析此不知也片  
又通辨後漢祭祀志祫祭儀太牢中分之左辨上帝右  
辨上后鼎是析字

汞以百兩為一銚 胡演曰邕州燒取水銀一百兩為  
一銚銚之制似猪脬外糊紙貯之或撒失在地以川椒  
末茶末收之或以真金鑰石引之

數馬以噉猶魚以尾鹿以頭也 噉喙也貨殖傳馬蹏  
蹏千唐崔光遠傳得馬二千噉范石湖曰黎鳴謂雞雌

雄曰一鬪十雞併種當得六鬪

吳中市魚以斗計一斗為二升半松陵唱和詩一斗霜鱗換濁醪是也

曰屈曰頭皆數也段公路北戶錄曰劉孝威謝官賜交州米麴四百屈蓋今數也且如前朝有呼食為頭以魚為斗茗為薄為夾衣為裁袈裟為緣奴為頭麝為子檳榔為口胡桃為子晉元帝謝賜功德淨饌一頭又謝齋功德食一頭又劉孝威謝賜果食一頭梁科律生魚

若干斗溫貢茗二百尺薄又梁科律薄若干夾沈約有  
謝葛衫一裁簡文帝云蒙惠袈裟一緣又言安成王餉  
符子一頭齊建武中有麝香如千子陸陸謝安成王賜  
檳榔一千口并胡桃一千子陳後主施瓦官智者禪師  
扶月供有藤紙一墮沈后施燭十挺細紙五百張

獲生人亦名級 衛青傳斬三千七百級小顏曰本以  
斬敵一首拜爵一級因復名生獲一人為一級見演繁  
露



南朝呼筆四管為一牀 見搜神記又北齊賦民之法  
以一夫一婦為一牀見讀禮圖

稱壽遇旬曰褰乃秩也 宋人皆以白樂天詩行開第  
八秩可謂盡天年自注云時俗謂七十以開第八秩又  
云已開第七秩屈指幾多人龔簡封芥隱筆記云禮年  
八十曰有秩故以八十為八秩七十乃借用也今年五  
十六十皆曰五褰六褰訛也

壹貳參黍古借以為數伍陸捌玖則後人所借也 廊

氏曰一字秦碑作壹古孝經作弌古老子作弌史晨碑  
作壹二字無名碑及貝丘長碑長作弌夫召經幢作弌  
籀文作𠄎希裕略古作𠄎楊統樊安碑作𠄎或梁作𠄎  
三字貝丘長碑作弌雲臺碑汗簡作𠄎四古作三借用  
四即𠄎字或曰𠄎為數四為𠄎馮緄碑作曲異體也五  
古作𠄎或作𠄎義雲章作𠄎則借吾字六古老子作𠄎  
七石經論語作𠄎古老子作𠄎九商鐘作𠄎借鳩形也  
十字華嶽碑作𠄎拾字也高克尊作十惟八無奇文智

按經史借用者薛宣傳壹关為樂左傳自參以上顏子  
不貳過太玄文君臣之制上下以際梲擬之二漆即二  
七言河圖二七火數居上也攤運諸秦政即七政其用  
柒者見水經漆水注長安西有渠謂之柒渠



通雅卷四十